



Broj: 01/01-2313/5-2021
Sarajevo, 25.10.2021. godine

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 01/01-2314/4-2021 od 25.10.2021. godine, u postupku nabavke robe – **HEMIKALIJE, LOT 3 – Grafeni**, Dekan Univerziteta u Sarajevu- Prirodno-matematički fakultet je donio

O D L U K U

o izboru najpovoljnijeg ponuđača po konkurentskom zahtjevu za dostavu ponuda

Član 1.

Prihvata se Preporuka Komisije za nabavke, broj: 01/01-2313/4-2021 od 25.10.2021. godine, i ugovor za nabavku robe – **HEMIKALIJE, LOT 3 -Grafeni**, dodjeljuje se ponuđaču „**MIKRO+POLO**“ d.o.o. Sarajevo za ponudenu cijenu **4.822,80 KM bez PDV-a**, kao najbolje ocijenjenom ponuđaču.

Član 2.

Izabrani ponuđač dužan je u roku od **5 (pet) dana** od dana zaprimanja ove Odluke, na adresu Univerziteta u Sarajevu - Prirodno-matematički fakultet, Zmaja od Bosne 33-35, 71000 Sarajevo dostaviti originale ili ovjerene kopije dokaza traženih tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

Član 3.

U skladu sa članom 89. stav (3) Zakona o javnim nabavkama prijedlog ugovora o nabavki dostavit će se na potpis izabranom ponuđaču „**MIKRO+POLO**“ d.o.o. Sarajevo, najkasnije u roku 10 dana, računajući od dana okončanja postupka javne nabavke.

Član 4.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 5.

Ova odluka objavit će se na web-stranici www.pmf.unsa.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom Dekana o pokretanju postupka javne nabavke, broj: 01/01-458/3-2021 od 29.09.2021. godine. Javna nabavka je provedena putem konkurentskog zahtjeva za dostavu ponuda/E-aukcija. Procijenjena vrijednost javne nabavke bez PDV- za LOT 3 iznosi: 4.600,00 KM. Obavijest o nabavci broj: 29340-7-1-2-3-3/21 od, objavljena je na Portalu javnih nabavki dana 29.09.2021. godine

Za provođenje postupka predmetne javne nabavke, Odlukom broj: 01/01-458/4-2021 od 29.09.2021. godine, imenovana je Komisija za provođenje postupka javne nabavke.

Poziv za preuzimanje tenderske dokumentacije u sistemu „E-nabavke“ je 29.09.2021. godine prosljeđen sljedećim ponuđačima:

1. SEMIKEM d.o.o. Sarajevo
2. MIKRO+POLO d.o.o. Sarajevo
3. AB MEDIC D.O.O. SARAJEVO
4. KEFO d.o.o.
5. EURO LAB
6. BIOSISTEMI BOSNA I HERCEGOVINA
7. Biomedica d.o.o.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 07.10.2021. godine, tendersku dokumentaciju preuzeli sljedeći potencijalni ponuđači: EMGEN DOO, EKAPIJA DOO, HELIA, POLJOVET, FCT D.O.O., BBS EUROPE, BIOMEDICA D.O.O., SEMIKEM D.O.O. SARAJEVO, MIKRO+POLO D.O.O., KEFO D.O.O. ISTOČNO SARAJEVO, DESINFECTA D.O.O., DEFTER DOO SARAJEVO, AB MEDIC D.O.O, SINEKS LABORATORIJA D.O.O. BANJA LUKA, MEDIC BH D.O.O., KRAJINAGROUP D.O.O. BANJA LUKA, BIOSISTEMI DOO SARAJEVO, CONTROLMATIK BH DOO SARAJEVO

Iz Izvještaja o pitanjima i odgovorima u periodu koji je ostavljen za dostavljanje ponuda, vidljivo je da ponuđači nisu postavljali pitanja u vezi pojašnjenja tenderske dokumentacije.

Iz Zapisnika o otvaranju ponuda vidljivo je da je Komisija za javne nabavke dana 11.10.2021. godine sa početkom u 10:30 sati, izvršila javno otvaranje blagovremeno prispjele ponude sljedećeg ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	MIKRO+POLO d.o.o. Sarajevo	Da	01/01-2313-1/1-2021	06.10.2021.g. u 11:55 sati

Na javnom otvaranju ponuda nisu bili prisutni predstavnici ponuđača.

Zapisnik o otvaranju ponuda je 13.10.2021. godine prosljeđen je putem elektronske pošte ponuđaču koji je blagovremeno dostavio ponudu.

Komisija za javnu nabavku je u Zapisniku o otvaranju ponuda sačinila pregled zaprimljene ponude:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	„MIKRO+POLO“ d.o.o Sarajevo, Pijačna 14K, 71210 Ilidža	0,00 KM	Cijena ponude bez PDV-a = 4.822,80 KM 0% popust Ukupna cijena ponude sa uračunatim popustom bez PDV-a= 4.822,80 KM

			PDV na cijenu ponude= 819,88 KM
			Ukupna cijena za ugovor= 5.642,68 KM sa PDV-om

Komisija za javne nabavke sastala se 11. 10. 2021. godine sa početkom u 10:30 sati, radi pregleda i ocjene ponude, odnosno da bi utvrdila da li je ponuđač ispunio uslove koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije i da li su kvalifikovani za nabavku predmetne robe.

Nakon pregleda ponude, Komisija za javne nabavke je konstatovala da ponuđač ispunjava sve uslove za kvalifikaciju tražene Tenderskom dokumentacijom, te je u skladu sa naprijed navedenim **ponudu ponuđača MIKRO+POLO d.o.o. Sarajevo ocjenila kao prihvatljivu.**

Iz Zapisnika o pregledu i ocjeni ponuda je vidljivo da u ponudi ponuđača nije bilo računskih grešaka.

Iz Zapisnika o pregledu i ocjeni ponuda je vidljivo da je Komisija konstatovala da je ponuđač dostavio ponudu u iznosu od 4.822,80 KM sa uračunatim popustom bez PDV-a, što prekoračuje predviđeni budžet. Komisija je dopisom broj: 01/01-2313/2-2021 od 15.10.2021. godine zatražila instrukcije za nastavak provođenja započete procedure od voditelja projekta, prodekana za opće poslove i finansije i šefa računovodstva s obzirom da: stav e) člana 69. ZJN propisuje da je ugovorni organ obavezan poništiti postupak javne nabavke u slučaju da cijene svih prihvatljivih ponuda su znatno veće od osiguranih sredstava za predmetnu nabavku.

Međutim, Agencija za javne nabavke Bosne i Hercegovine, dana 23.09.2015. godine, je za potrebe jednog od prethodnih postupaka dala mišljenje, broj: 04-02-1-3274-1/15 u kojem stoji da je pojam „znatno veće cijene“ relativan pojam koji ovisi od niza faktora, te da „u situaciji kada cijena najniže ponude prekoračuje proračun, postoje dva jednako raspoloživa izbora: da se poveća proračun i dodijeli ugovor ili ukoliko je to nemoguće, postupak se poništava“.

Dana 25.10.2021. godine data je saglasnost voditelja projekta, Prodekana za opće poslove i finansije Fakulteta, kao i Šefa računovodstva za nastavak provođenja postupka nabavke.

Iz Zapisnika Komisije vidljivo je da je za predmetnu nabavku kao što je navedeno u Tenderskoj dokumentaciji i Obavještenju o nabavci broj: broj: 29340-7-1-2-3-3/21 od 29.09.2021. godine predviđeno provođenje E-aukcije. U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj: 66/16) regulisano je da se u slučaju prijema samo jedne prihvatljive ponude E-aukcija ne može zakazati, nego se postupak okončava u skladu sa članom 69. Zakona o javnim nabavkama. S obzirom da je za predmetnu nabavku zaprimljena jedna prihvatljiva ponuda od ponuđača MIKRO+POLO d.o.o. Sarajevo, Komisija je konstatovala da se u skladu sa članom 3. stav (3) Pravilnika o uslovima i načinu korištenja E-aukcije, ista ne može zakazati.

Shodno navedenom, **Komisija je prema utvrđenom kriteriju najniže cijene dala preporuku da se u predmetu nabavke robe: HEMIKALIJE, LOT 3 -Grafeni, donese Odluka o dodjeli ugovora ponuđaču „MIKRO+POLO“ d.o.o. Sarajevo, čija cijena ponude iznosi 4.822,80 KM bez PDV-a.**

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.



Dostaviti:

- Ponuđaču: MIKRO+POLO d.o.o. Sarajevo
- a/a